

Uunga siunnersuut: Inatsisartut aalajangiiffigisassaattut siunnersuutigineqarpoq, Naalakkersuisut skatteministerimut nalunaarutigisinnaagaat, Namminersorlutik Oqartussat akuersaarmassuk Aningaasanoorutit ilaat pillugit Kalaallit Nunaannut inatsisip allangortinneqarnissaanik siunnersuut manna, inatsisiliornikkut teknikkikkut allannguuteqartoqarsinnaavoq

Aningaasaqarnermut Aatsitassanullu Naalakkersuisumit saqqummiunneqartoq

pillugu

Aningaasaqarnermut Akileraartarnermullu Ataatsimiititaliap

siunnersuutip aappassaaneerpeqarneranut

ISUMALIUTISSIISUTAA

Ulloq 31. oktober 2016-imi inissitsiternerup kingorna ataatsimiititaliap ilaasortarai:

Inatsisartunut ilaasortaq Jens Immanuelson, Siumut, siulittaasoq

Inatsisartunut ilaasortaq Randi V. Evaldsen, Demokraatit, siulittaasup tullia

Inatsisartunut ilaasortaq Nikolaj Jeremiassen, Siumut

Inatsisartunut ilaasortaq Jess Svane, Siumut

Inatsisartunut ilaasortaq Ane Hansen, Inuit Ataqatigiit

Inatsisartunut ilaasortaq Peter Olsen, Inuit Ataqatigiit

Inatsisartunut ilaasortaq Bendt B. Kristiansen, Inuit Ataqatigiit

UKA 2016-imi 30. september 2016-imi siullermeerinninnerup kingorna ataatsimiititaliap siunnersuut misissorpaa.

Siunnersuutip imarisaa siunertaalu

Aningaasanoorutit ilaat pillugit Kalaallit Nunaannut inatsisip allangortinneqarneranik inatsisissatut siunnersuut danskit akileraartarnermut ministereqarfiata 2016-imi juunimi Namminersorlutik Oqartussanit oqaaseqarfigisassanngorlugu saqqummiuppaa. Aningaasanoorutinit nunatsinnit neqeroorutigineqartunit aningaasat ukiumut Namminersorlutik Oqartussanut tuniunneqartartut aningaasanut inatsiseqarfiusumi 2017-imi atuutilersumik annertusineqarnissaat siunnersuutikkut siunertarinearpoq. Aningaasanoorutit ilaannakuusumik namminersortunngorsaavigineqarnerata 1. januar 2012-imi atuutilersup Kalaallit Nunaannut aningaasatigut sunnuteqarnerlunnginnissaa Kalaallit Nunaannut nuussisarnerup qulakkeerpaa. Taamaammat aningaasat danskit naalagaaffiata Kalaallit Nunaanni aningaasanoornermit isertittagaattut tagginneqartut amerlaqataat 2012-imi naalagaaffiup nuuttarpai. Aningaasat 40 mio. kr.-init 43,25 mio. kr.-inut amerlineqarnissaat siunnersuutigineqarpoq, taakkulu millioninut qaninner-

nut qummut akunnaallisineqarput. Taamaalillutillu aningaasat ukiumut 4 mio. kr.-inik amerlineqarput.

Siunnersuutip Inatsisartuni siullermeerneqarnera

Siunnersuut, tassungalu ilanngullugu aningaasat aalajangersimasunut atorneqarnissaannut siunnersuut siullermeerinermi akuersaarneqarpoq.

Ataatsimiititaliap siunnersuummik suliarinninnera

Aningaasat missingerlugit annertussusilerneqartut ataatsimiititaliamit maluginiarneqarpoq, tamatumaniilu paasissutissat nalorninarsinnaanerit pingaaruteqartutut inissisimalluni. Aammattaaq aningaasat millioninut qaninnernut akunnaallisineqartut kiisalu aningaasat 2021-mi iluarsiiisuteqarfigeqqinnissaat naatsorsuutigineqartoq ataatsimiititaliamit maluginiarneqarpoq. Nassuiaat R15 13. april 2016-imeersoq naaportorlugi aningaasat missingerlugit naatsorsor- neqarnerat siunnersuulluunniit ataatsimiititaliap allanik oqaaseqaatissaqarfiginngilai.


Siunnersuutip aningaasaqarnikkut kingunerisassai

Allannguut Namminersorlutik Oqartussat aningaasanut inatsisaanni 2017-imi 4 mio. kr.-inik sunniuteqassaaq, aningaasat 40.000.000 kr.-init 44.000.000 kr.-inut amerlineqassammata. Aningaasanik tunngaviusunik qaffaaneq ukiunut aningaasanut inatsiseqarfiusunut tullernut aamma pitsaasumik sunniuteqassaaq. Aalajangiiffigisassatut siunnersuut una Inatsisartunit akuerineqassappat tamanna allannguutissatut siunnersuuteqartoqarneratigut 2017-imi aningaasanut inatsisissatut siunnersuummut ilanngunneqassaaq.

Aningaasaqarnermut Akileraartarnermullu Ataatsimiititaliaq siunnersuutip aningaasaqarnik- kut kingunerisassai pillugit allanik oqaaseqaatissaqanngilaq.


Ataatsimiititaliap isumaqatigiittup siunnersuut akuerineqassasoq inassutigaa

Taama oqaaseqarluni isumaliutissiisummilu allassimasutut paasinnilluni ataatsimiititaliap siunnersuut aappassaaniigassanngortippaa.




Jens Immanuel, Siulittaasoq


Randi V. Evaldsen




Peter Olsen




Nikolaj Jeremiassen



Jess Svane



Ane Hansen



Bendt Kristiansen